



DEO OPTIMO MAX.  
UNI ET TRINO,

VIRGINI DEI-PARÆ, ET S. LUCÆ,  
Orthodoxorum Medicorum Patrono.

# QUÆSTIO MEDICA,

CARDINALITIIS DISPUTATIONIBUS,  
*manè discutienda, in Scholis Medicorum, die Jovis vigesima-nona  
mensis Aprilis, anno Domini M. DCC. XLV.*

M. MICHAELE PEAGET,  
Doctore Medico, Præside.

*An inter edendum Ostrea, Meri potus?*

I.



LIMENTA jucundè coquat & facilè ventriculus,  
malè verò sit alicui machinæ parti, inauditum hactenùs,  
imò impossibile. Caveant ergò Membrorum singula ne alacritatis suæ fontem, aut pigritiæ, aut turpis inertiae redarguant nisi iterùm hebetari, languere, deteri malint. Videant sedulò ut ei ministrent quæ sunt levioris operæ. Ast ut in morbis qualibuscumque, duo ex omni parte similes fortasse nunquam visi sunt, ita & ventriculi duo

qui iisdem alimentis æqualiter recreentur nusquam fortasse fuerunt nec unquam futuri sunt. Hinc patet quanti sit momenti singulorum veram indolem dignoscere, discriminari sedulò quæ hunc quæ illum juvent. Sive igitur esculentum, sive potulentum, sive utrumque simul credis ventriculo, ea selige quæ facilè coquantur, & còcta valetudinem servant aut paulisper deviam revocent.

## I I.

**S**CITO primùm quo sis stomacho. Dein nosce alimenta quibus vesci debes. Si laxiores ventriculi fibræ, iis utere alimentis quæ illarum tonum non nihil excitare valeant; si rigidiores, iis indulge quæ relaxare possint; si uberior succi gastrici copia siccioraingere. Si parcior, ea selige quæ aut arte aut à naturâ sint ita condita, ut facilè possis jacturam resarcire. Neque ex iis esto qui modo palato arrideant, quæ sumunt parùm curant utrùm nocitura sint. Serva modum in omnibus. Edis Ostrea? Gratum equidem & salubre ut plurimùm esculentum. At quò gratius Ostreum, eò periculosior esca si temerè deglutiatur. Jam verò quam multi sint qui inter edendum Ostrea gravissimi peccent? Noverit quicumque sciet neminem fere esse qui ea vel nimia quantitate non voret aut non jungat esculentis aliquibus potulentisve quorum præsentia quicquid boni deperdunt omninò Ostrea.

## I I I.

**U**BI de morbis vel gravioribus agitur, fingit se Medicum quivis: ast utinam hominum unusquisque fatis medicinam calleret ut noscat in victu utilibus litare, noxia verò devitare. Alis non adedè pernicipibus mors advolaret: cùm autem angustis nimium limitibus circumscripta sit illorum, si veros Medicos excipias, scientia, statui potest regula quædam generalis juxta quam turpiter minus errent. V. g. non nocet, & quidem fatemur, omni stomacho vel meri potus cum Ostreis, qui nimirum à Natura sunt ita parati ut quæcumque vorant coquant facilè hi merè bibant, per nos licèt, quanquam tamen concludi nullatenus possit eosdem ad partem meliorem se convertisse in eo quod à tali potu nihil passi sint incommodi. Quin imò non unâ ratione probaretur illos plurima neglexisse commoda quæ certò - certius in eos redundabunt qui aquam largo latice haurient. Et verò.

## I V.

**Q**UÆCUMQUE induntur ventriculo; vel ab eo plurimum succi expetunt ut coquantur, vel partim secum ferunt quæ ad *Digestionem* necessaria sunt, vel tandem aliquo egent ut ita dicam intermedio, quo juvante perficiatur opus. Primo in casu totum pondus fert machina, hinc languescit: in secundo fere otatur, hinc alacritas: in ultimo tandem levem molitur operam, hinc securitas. Porro quid mero cum Ostreis in ventriculo qualicumque? Sollicitabit fibras, quo uberius fluant succi digestivi. At primo huic operi perficiendo impar omninò merum. Quin immò potius urit quam stimulat; hinc sterilitas non abundantia. Verum instas, saltem in ordine ad illos qui turgent talibus succis. Ab epero mero salus. Minimè gentium. Vide quid singulis in casibus merum exerceat in ventriculum, & eo adduci te fines ut credas, illud non minus juris habere in Ostrea. Quod quidem millies repetitâ experientiâ comprobatum patebit. Nempè ad nos usque ab inferioris Normanniæ plagis deferuntur Ostrea vino ut plurimum albo, succo citri, pipere, caryophyllis odoratis aliisque id genus aromaticis condita, extus crispa, intus vero corii instar dentibus terri difficillima, inimica stomacho & à quocumque homine sano veneni instar rejicienda. Undenam quæso, tam turpis illa mutatio? Sciscitare, nobis in promptu est respondere. Secundò, non larga adeò succi digestivi copia eget Ostreum ut in chylum vertatur; fert secum quodcumque in talibus requiritur. Huic ergo junge non auxilium sed vehiculum quod ex se nihil boni aut mali possit operari, tunc & gratum palato, & corpori salubre pabulum obtinueris.

## V.

**Q**UISQUIS Ostrea sanus degustasti, attende ad ea quæ in palato excitavere: quisquis Rheumate labefactatus saltem absente febre ea deglutisti, fateare quodnam exinde hauseris commodi. Sic enim sunt à natura condita ut sale suo dulci alkalino appetitum omninò prostratum excitare valeant; adde quod donentur bitumine quodam mediante prædicto sale soluto & millies digesto, quo ipsa penetrantur & ferè percoquantur. Hinc vi summâ dividendi, incidendi, attenuandi & sputa, urinasque eliciendi

gaudent. Hinc quantæ sint energiæ centum in morbis concludere : nec super Ostrea extollas remedium illud nuper à longinquo ad nos usque adsportatum quo Phytisci exsuscitantur. Alioquin artem naturæ antepones prodat hoc cum illa latent, non reluctamur. At noli tot dotes mero aliisve liquoribus spirituosus deturpare, nisi malis servire gulæ quam valetudini consulere.

*Non ergò inter edendum Ostrea, meri potus.*

Proponerebat Parisiis, STEPHANUS POURFOUR-DU-PETIT, Parisinus, in Supremo Senatu Parisiensi Patronus, Saluberrimæ Facultatis Medicinæ Parisiensis Baccalaureus Medicus, A. R. S. H. 1745, à sextâ ad meridiem.